

Fråværsreglement for dei vidaregåande skulane i Vestland

1. Pliktⁱ

- (1) Eleven skal møte presis og delta aktivt i opplæringa.
- (2) Eleven skal melde frå til kontaktlærer/faglærer dersom han/ho må forlate opplæringa i løpet av skuledagen.
- (3) Eleven skal melde frå om fråvær frå første fråværsdag.
- (4) Dersom eleven ikkje har meldt frå om fråvær skal skulen
 - a. allereie dag to kontakte eleven og foreldre/føresette dersom eleven er under 18 år.
 - b. allereie dag ein kontakte hybelbuarar.
- (5) Ved gjenteke fråvær og forseintkomming skal skulen følgje opp eleven det gjeld.

2. Fråværsgrense for vurdering i fagⁱⁱ

- (1) Elevar som har meir enn 10 prosent fråvær i eit fag har ikkje rett til å få halvårsvurdering med karakter eller standpunktkarakter i faget. Læraren kan ikkje setje karakter for elevar med meir enn 10 prosent fråvær.
- (2) Læraren kan likevel gi eleven vurdering med karakter dersom det er dokumentert at fråvær i meir enn 10 % av timane i faget skuldast slike grunnar som er nemnde i punkt 6 (1), jfr. også forskrift til opplæringslova § 3-47 femte ledd bokstav a-f.

3. Varslingⁱⁱⁱ

- (1) Eleven og føresette skal varslast skriftleg dersom det er tvil om eleven kan få halvårsvurdering med karakter eller standpunktkarakter i eitt eller fleire fag.
- (2) Eleven og føresette skal også varslast skriftleg dersom det er fare for at eleven i halvårsvurdering med karakter eller i standpunktkarakter kan få karakteren nokså god (Ng) eller lite god (Lg) i orden eller åtferd.
- (3) Varsel sendast til elev og føresette der eleven er under 18 år. Føresette skal ha kopi.
- (4) I varselet skal det stå om det gjeld fråvær, manglande vurderingsgrunnlag eller begge.
- (5) Varselet skal givast utan ugrunna opphald og skal gi eleven høve til å skaffe halvårsvurdering med karakter og standpunktkarakter, eller gi eleven høve til å forbetre karakteren i orden eller åtferd.

4. Fråvær mellom 10 og 15 %^{iv}

- (1) Dersom årsaka til fråværet gjer det klart urimeleg at fråværsgrensa på 10 % skal gjelde, kan ein elev som har inntil 15 % udokumentert fråvær i eit fag, også få vurdering med

karakter. Men det er uansett eit krav om at lærar må ha tilstrekkeleg vurderingsgrunnlag for å få gi vurdering med karakter.

- (2) Rektor gjer ei vurdering om eleven skal få standpunktkarakter.
- (3) Avgjerda om å ikkje setje standpunktkarakter etter dette punktet er eit enkeltvedtak som det kan klagast på etter forskrift til opplæringslova § 3-18 og § 5-1. Klagefristen er 10 dagar etter at du har motteke vedtaket. Ein eventuell klage skal sendast til rektor for vidare handsaming.

5. Føring av frávær ^v

- (1) Alt frávær skal førast på vitnemålet og kompetansebeviset. Frávær skal førast i dagar og enkelttimar. Enkelttimar kan ikkje konverterast til dagar. Rektor kan avgjere om frávær for den som er deltidselev skal førast i dagar og timar, eller berre i timar.
- (2) Eleven kan krevje at årsaka til fráværet blir ført på eit vedlegg til vitnemålet eller kompetansebeviset, dersom han eller ho legg fram dokumentasjon på årsaka til fráværet.
- (3) Dersom det er mogleg, skal eleven leggje fram dokumentasjon av fráværet på førehand.
- (4) Organisert studiearbeid, elevråd og skuleadministrative gjeremål etter avtale med faglæraren eller rektor, skal ikkje reknast som frávær.
- (5) Avtalar med rådgjevar, helsesjukepleiar og pedagogisk - psykologisk teneste skal ikkje førast som frávær. Eleven har plikt til å dokumentere også dette fráværet.
- (6) Det vert ført frávær for den eksakte tida eleven ikkje er til stades i undervisninga.

6. Frávær for inntil samanlagt 10 skuledagar^{vi}

- (1) For inntil samanlagt 10 skuledagar i eit opplæringsår kan ein elev krevje at følgjande frávær ikkje blir ført på vitnemålet eller på kompetansebeviset dersom det kan dokumenterast at fráværet skuldast:
 - a. helse- og velferdsgrunnar
 - b. arbeid som tillitsvald
 - c. politisk arbeid
 - d. hjelpearbeid
 - e. lovpålagt oppmøte
 - f. representasjon i arrangement på nasjonalt og internasjonalt nivå
- (2) For at frávær som skuldast helsegrunnar etter bokstav a ikkje skal førast på vitnemålet eller på kompetansebeviset, må eleven leggje fram ei legeerklæring som dokumenterer dette. Frávær som skuldast helsegrunnar må vare meir enn tre dagar, og det er berre frávær frå og med fjerde dagen som kan strykast. Ved dokumentert risiko for frávær etter bokstav a på grunn av funksjonshemming eller kronisk sjukdom, kan frávær strykast frå og med første fráværsdag.
- (3) Innanfor ramma av 10 skuledagar kan elevar som er medlemmer av andre trussamfunn enn Den norske kyrkja krevje at inntil to dagar frávær som er knytt opp mot ei religiøs høgtid, ikkje blir ført på vitnemålet eller kompetansebeviset .
- (4) Det skal nyttast eit felles skjema som grunnlag for krav om at frávær ikkje skal førast på vitnemål/kompetansebevis. Skjema og dokumentasjon skal leverast til kontaktlærar fortløpande, det vil seie etter kvar gong eleven krev at frávær ikkje skal førast etter reglane

i forskrift til opplæringslova. Det er berre rektor som har mynde til å godkjenne om kravet skal takast til følgje.

- (5) Det å ikkje godkjenne krav om at frávær skal strykast er eit enkeltvedtak og skal følge alminnelege saksbehandlingsreglar etter forvaltningsloven, t.d. klagerett.

7. Privatistar

- (1) Ein privatist som er elev ved skulen skal ha fri eksamensdagen/eksamenstida utan at det vert ført frávær. Dette gjeld både skriftleg og munnleg eksamen. Dersom førebuingstida er del av eksamen skal det ikkje førast frávær for denne.
- (2) Det vert ikkje gitt fri til lesedag før privatisteksamen. Dersom eleven likevel vel å ta ein lesedag skal det førast frávær for denne.

8. Køyreopplæring^{vii}

- (1) Det skal førast frávær for køyreopplæring.
- (2) Delar av køyreopplæringa til førarkort klasse B er unntatt frå fráværsgrensa. Det er gjort unntak frå dei obligatoriske delane av køyreopplæringa som det er vanskeleg å kombinere med skulekvardagen. Det gjeld tryggleikskurs på bane (4 timar) og andre og tredje del av tryggleikskurs på veg (5 timar køyring på landeveg og 4 timar køyring i variert trafikkmiljø).
- (3) Rimeleg reisetid vil vere omfatta av det dokumenterte fráværet.
- (4) Det er ikkje gjort unntak frå teoretisk og praktisk førarprøve.

9. Verknadstidspunkt

- (1) Fráværsglementet for dei vidaregåande skulane i Vestland fylkeskommune gjeld frå 1.8.2020.

ⁱ sjå forskrift til opplæringslova § 3-3, tredje ledd

ⁱⁱ sjå forskrift til opplæringslova § 3-3, fjerde ledd

ⁱⁱⁱ sjå forskrift til opplæringslova § 3-7

^{iv} sjå forskrift til opplæringslova § 3-3, femte ledd

^v sjå forskrift til opplæringslova § 3-47, første til fjerde ledd, sjuande ledd

^{vi} sjå forskrift til opplæringslova § 3-47 femte, sjette og åttande ledd

^{vii} sjå forskrift til opplæringslova § 3-3, fjerde ledd